



# মাসিক দুদক দর্পণ

৭ম বর্ষ • ১৪তম সংখ্যা • সেপ্টেম্বর ২০১৭ খ্রিস্টাব্দ • আশ্বিন ১৪২৪ বঙ্গাব্দ

www.acc.org.bd

এ সংখ্যায় যা রয়েছে

- সভা/সেমিনার
- গ্রেপ্তার
- সাজা
- দায়েরকৃত উল্লেখযোগ্য মামলা
- আদালতে দায়েরকৃত উল্লেখযোগ্য মামলার চার্জশিট

যোগাযোগ

নির্বাহী সম্পাদক

দুর্নীতি দমন কমিশন, প্রধান কার্যালয়  
১ সেগুন বাগিচা, ঢাকা।

ফোন: ৯৩৫৩০০৪-৮

ই-মেইল : info@acc.org.bd

ওয়েব সাইট : http://www.acc.org.bd

## সম্পাদকীয়

“২৭ জুলাই, ২০১৭ দুর্নীতি দমন কমিশনের মিডিয়া সেন্টারে দুদকের অভিযোগ কেন্দ্রের হটলাইন ১০৬-এর উদ্বোধন করেন গণপ্রজাতন্ত্রী বাংলাদেশ সরকারের অর্থ মন্ত্রী আবুল মাল আবদুল মুহিত, এমপি। উদ্বোধনী মঞ্চে এসময় উপস্থিত ছিলেন দুদক চেয়ারম্যান ইকবাল মাহমুদ, কমিশনার ড. নাসিরউদ্দীন আহমেদ এবং এ এফ এম আমিনুল ইসলাম। আনুষ্ঠানিক উদ্বোধনের পর থেকেই দুর্নীতি দমন কমিশনের অভিযোগ কেন্দ্রের হটলাইনটি যেন সাধারণ মানুষের অভিযোগ জানানোর প্লাটফর্মে পরিণত হয়েছে। উদ্বোধনের প্রথম সপ্তাহেই প্রায় ৭৫ হাজার কল এসেছে। জাতীয় পত্রিকায় সংবাদ প্রকাশের পর পরই আন্তর্জাতিক গণমাধ্যম সরব হয়ে ওঠে। বিবিসি, এএফপিসহ বিভিন্ন সংবাদ সংস্থা এই সংবাদ প্রকাশ করে। মেইল অনলাইন ইউকে, ডন, ফ্রান্স ২৪ নিউজ, দি হেরাল্ডসহ বিশ্বের বিভিন্ন দেশের গণমাধ্যমে বিভিন্ন ভাষায় এই সংবাদ গুরুত্বের সাথে প্রকাশ করা হয়। গত এক মাসে দুদক অভিযোগ কেন্দ্রের হটলাইন ১০৬-এ এক লক্ষ সাতান্ন হাজারের মতো কল এসেছে। কমিশন ১০৬ এর মাধ্যমে প্রাপ্ত অনুসন্ধানযোগ্য অভিযোগসমূহ দ্রুত অনুসন্ধান শুরু করেছে। পাশাপাশি কমিশন তাৎক্ষণিকভাবে তিনটি বিশেষ টিম গঠন করেছে। দুর্নীতির কোনো ঘটনায় যদি তাৎক্ষণিকভাবে আইন প্রয়োগের প্রয়োজন হয় তবে এসকল টিমের সদস্যরা দ্রুত ঘটনাস্থলে পৌঁছে যাবে। পরিশেষে দুর্নীতির কোনো ঘটনার প্রতিকার ও প্রতিরোধের জন্য যে কোনো ফোন থেকে দুদকের হটলাইন ১০৬ নম্বরে ফোন করার জন্য দুদক দর্পণ সম্পাদনা পরিষদের পক্ষ থেকে অনুরোধ জানানো হলো।”

## সভা/সেমিনার

জাতীয় শোক দিবস উপলক্ষে দুর্নীতি দমন কমিশনের সেগুন বাগিচাস্থ প্রধান কার্যালয়ে কমিশনের চেয়ারম্যান ইকবাল মাহমুদ এর সভাপতিত্বে এক আলোচনা সভা অনুষ্ঠিত হয়। ইতিহাসের নৃশংস ও মর্মস্পর্শী হত্যাকাণ্ডে নিহত জাতির পিতা বঙ্গবন্ধু শেখ মুজিবুর রহমান ও তাঁর পরিবারের সদস্যসহ ১৫ই আগস্টে নিহত অন্যান্য শহীদদের স্মৃতির প্রতি গভীর শ্রদ্ধা ও তাদের বিদেহী আত্মার মাগফেরাত কামনা করে দুদক চেয়ারম্যান ইকবাল মাহমুদ বলেন, ১৫ই আগস্ট শুধু শোকের দিন নয়, এটি বাঙালি জাতির জন্য লজ্জারও দিন। কারণ যে মহান ব্যক্তিত্ব দেশের স্বাধীনতা তথা মানুষের মুক্তির জন্য সারা জীবন সংগ্রাম করে গেছেন, এমনকি এই বাঙালি জাতির জন্য নিজের জীবনকে উৎসর্গ করেছেন। তাকে কতিপয় বাঙালিই হত্যা করেছে। এই হত্যাকাণ্ড বাঙালি জাতির জন্য কলঙ্কের।



দুদক কমিশনার ড. নাসিরউদ্দীন আহমেদ বলেন, আন্তর্জাতিক ও অভ্যন্তরীণ ষড়যন্ত্র সম্পর্কে সবাইকে সতর্ক থাকতে হবে। দেশকে বঙ্গবন্ধুর সোনার বাংলা হিসেবে গড়তে হলে এসকল ষড়যন্ত্রের বিরুদ্ধে আমাদের সম্মিলিতভাবে রুখে দাঁড়াতে হবে।

কমিশনার এএফএম আমিনুল ইসলাম তাঁর বক্তব্যে বলেন, জাতির জনক ৫২ এর ভাষা আন্দোলন, ৫৪ এর নির্বাচন, ৬৬ এর ছয় দফা, ৬৯ এর গণ অভ্যুত্থান, ৭০ এর নির্বাচন, ৭ মার্চের ভাষণ, সর্বশেষ মুক্তিযুদ্ধের মাধ্যমে ধারাবাহিকভাবে এ দেশের স্বাধীনতা তথা মহান মুক্তিযুদ্ধের নেতৃত্ব দিয়েছেন।

আলোচনা শেষে জাতির পিতা বঙ্গবন্ধু শেখ মুজিবুর রহমানসহ ১৫ই আগস্ট শাহাদাতবরণকারী সকল শহীদদের বিদেহী আত্মার মাগফেরাত কামনা করে বিশেষ মোনাজাত করা হয়।

## দুদকে নতুন সচিব ড. মোঃ শামসুল আরেফিন



সরকারের অতিরিক্ত সচিব ও দুর্নীতি দমন কমিশনের মহাপরিচালক ড. মোঃ শামসুল আরেফিন গত ২০ আগস্ট দুর্নীতি দমন কমিশনের সচিব হিসেবে যোগদান করেছেন। এর আগে জনপ্রশাসন মন্ত্রণালয়ের এক প্রজ্ঞাপনে তাকে সরকারের ভারপ্রাপ্ত সচিব হিসেবে দুর্নীতি দমন কমিশনের সচিব পদে পদায়ন করা হয়। যোগদান করেই তিনি কমিশনের সকল মহাপরিচালক ও পরিচালক পদমর্যাদার কর্মকর্তাদের সাথে মতবিনিময় করেন। এসময় তিনি সচিব হিসেবে তাঁর কর্মকালে সকলের সার্বিক সহযোগিতা কামনা করেন।

## দুদক অভিযোগ কেন্দ্রের হটলাইন-১০৬ এর উদ্বোধন



দুর্নীতি দমন কমিশনের অভিযোগ কেন্দ্রের হটলাইন-১০৬ এর উদ্বোধন করছেন অর্থ মন্ত্রী আবুল মাল আবদুল মুহিত, এমপি।



দুর্নীতি দমন কমিশনের অভিযোগ কেন্দ্রের হটলাইন-১০৬-এ কথা বলছেন অর্থ মন্ত্রী আবুল মাল আবদুল মুহিত, এমপি।

দুর্নীতি দমন কমিশন  
বাংলাদেশ

দুর্নীতির কোনো ঘটনার প্রতিকার ও প্রতিরোধের জন্য যে কোনো ফোন থেকে দুদকের অভিযোগ কেন্দ্রের হটলাইন ১০৬ নম্বরে ফ্রি কল করুন (সকাল ০৯ টা থেকে বিকাল ৫ টা)।





### গ্রেফতার

আগস্ট, ২০১৭ মাসে কমিশনের বিভিন্ন মামলায় তদন্তকারী কর্মকর্তাগণ আইনি প্রক্রিয়ায় ২০ জন আসামিকে গ্রেফতার করেছে।  
গ্রেফতারকৃত কতিপয় আসামির বিবরণ:

গ্রেফতারকৃত কতিপয় আসামির নাম	অভিযোগের সংক্ষিপ্ত বিবরণ
ইউসুফ আলী, সাবেক সাব-রেজিস্টার, সাব-রেজিস্টার অফিস (২য় যুগা), গাজীপুর।	পরস্পর যোগসাজসে গাজীপুর সাব-রেজিস্টার ২য় যুগা এর দলিল নং ৭১/১৫, ১৪২/১৫ ও ৯৬৮/১৫ এর রেজিস্ট্রিকালে ভূমির শ্রেণি পরিবর্তনের মাধ্যমে মৌজাভিত্তিক গড় মূল্য কম দেখিয়ে রেজিস্ট্রি সম্পন্ন করে সরকারি রাজস্ব বাবদ যথাক্রমে ৭,৬৮,৮৬৮/- + ৫৭,৪৮৬ + ৩,২৯,১৪০/- = ১১,৫৫,৪৯৪ টাকা আত্মসাৎ।
মোঃ শাহ আলম, নির্বাহী প্রকৌশলী (অবসরপ্রাপ্ত) জনস্বাস্থ্য প্রকৌশল অধিদপ্তর, ফেনী।	দুর্নীতি দমন কমিশনে দাখিলকৃত সম্পদ বিবরণীতে ৬২,১৭,৬৮৪/- টাকা মূল্যের সম্পদের তথ্য গোপন এবং ৮৩,৪২,৯১০/- টাকা মূল্যের জ্ঞাত আয়-বহির্ভূত সম্পদ অর্জন।
মোঃ আজহার হোসেন, প্রভাষক কম্পিউটার, হাজিরহাট উপকূল কলেজ, গ্রাম-৮র ফলকন (জাজিরা), থানা-কমলনগর, জেলা-লক্ষ্মীপুর ও অন্য ২ জন।	আসামিগণ পরস্পর যোগসাজসে প্রতারণা ও জালিয়াতির মাধ্যমে ভূয়া ও জাল সনদ প্রস্তুত ও ব্যবহার করে শিক্ষা বিভাগের নীতিমালা লঙ্ঘন করে নিয়োগ লাভ ও পদোন্নতি প্রাপ্ত হয়ে ক্ষমতার অপব্যবহার এর মাধ্যমে অদ্যাবদি বেতন ভাতা বাবদ উত্তোলিত যাবতীয় অর্থ অপরাধজনক বিশ্বাস ভঙ্গ করত: আত্মসাৎ করেন।



### সাজাপ্রাপ্ত কয়েকটি মামলার বিবরণ

আগস্ট, ২০১৭ মাসে ১০টি মামলায় বিচারিক আদালতে রায় হয়েছে এর মধ্যে ০৬ টির সাজা হয়েছে। সাজা হওয়া উল্লেখযোগ্য কয়েকটি মামলা।

সাজাপ্রাপ্ত কতিপয় আসামির নাম	অভিযোগের সংক্ষিপ্ত বিবরণ
শাহ মোঃ হারুন, সাবেক সিনিয়র ভাইস প্রেসিডেন্ট, ওরিয়েন্টাল ব্যাংক লিঃ ও অন্যান্য ৭ জন।	আসামি শাহ মোঃ হারুন, সাবেক সিনিয়র ভাইস প্রেসিডেন্ট, ওরিয়েন্টাল ব্যাংক লিঃ সহ ০৬ জনকে যাবজ্জীবন কারাদণ্ড এবং অপর ০১ জন আসামিকে বেকসুর খালাস।
মোঃ দেলোয়ার হাসান, শাখা ব্যবস্থাপক, গ্রামীন ব্যাংক, রায়পাশা, বরিশালসহ ০২ জন।	আসামি মোঃ দেলোয়ার হাসান, শাখা ব্যবস্থাপক ও অপর ০১ জনকে ০৭ বছর করে সশ্রম কারাদণ্ডসহ ১৫ লক্ষ টাকা জরিমানা অনাদায়ে আরো ০৬ মাসের বিনাশ্রম কারাদণ্ড।
মোঃ সোহেল রানা, বি-৬৯/১, বাজার রোড, সাতার, ঢাকা।	আসামি মোঃ সোহেল রানা-কে ০৩ বছর বিনাশ্রম কারাদণ্ডসহ ৫০ হাজার টাকা জরিমানা অনাদায়ে আরো ০৩ মাসের বিনাশ্রম কারাদণ্ড।



### দায়েরকৃত উল্লেখযোগ্য কয়েকটি মামলা

আগস্ট, ২০১৭ মাসে ক্ষমতার অপব্যবহার, ভূয়া/জাল রেকর্ডপত্র তৈরি করে অর্থ আত্মসাৎ, জ্ঞাত আয় বহির্ভূত সম্পদ অর্জনসহ বিভিন্ন দুর্নীতির অভিযোগে ১৮টি মামলা দায়ের করেছেন কমিশন। উল্লেখযোগ্য কয়েকটি মামলার বিবরণ:

আসামির নাম	অভিযোগের সংক্ষিপ্ত বিবরণ
রাশিদুল নবী চৌধুরী, ব্যবস্থাপনা পরিচালক, মেসার্স আর এন সোয়েটার্স লিঃ ও অন্যান্য ৫জন।	পরস্পর যোগসাজসে ভূয়া/জাল রেকর্ডপত্র তৈরি করে বিদেশে মালামাল রপ্তানি না করে এবং পরবর্তীতে রপ্তানি সংক্রান্তে ১০টি ভূয়া/জাল এফবিপি ডকুমেন্ট ক্রয়-বিক্রয়ের মাধ্যমে বাংলাদেশ কৃষি ব্যাংক, কারওয়ান বাজার শাখা থেকে ১০,৮১,৮৯,৬৬৯/- টাকা আত্মসাৎ।
লক্ষী নারায়ন ভূঁইয়া, নির্বাহী প্রকৌশলী, পিজিসিবি, জি, এম, ডি, বরিশাল বর্তমানে তত্ত্বাবধায়ক প্রকৌশলী, জি, এম, ডি, পিজিসিবি, খুলনা ও অন্যান্য ২জন।	পরস্পর যোগসাজসে ১,৩৬,৬৭,৫৪৭/- টাকা আত্মসাৎ।
মোঃ নাজির হোসেন, অফিসার (বরখাস্ত), সোনালী ব্যাংক লিঃ, তানোর শাখা, রাজশাহী।	সোনালী ব্যাংক লিঃ, তানোর শাখা, রাজশাহীর গ্রাহকের ৪১,৪৬,০০০/- টাকা আত্মসাৎ।



### চার্জশিট দাখিলকৃত উল্লেখযোগ্য কয়েকটি মামলা

কমিশন আগস্ট, ২০১৭ মাসে ৩৮টি মামলা তদন্ত সম্পন্ন করে ২৩টি মামলায় চার্জশিট দাখিলের অনুমোদন দিয়েছে। উল্লেখযোগ্য কতিপয় মামলার চার্জশিট উল্লেখ করা হলো।

আসামির নাম	অভিযোগের সংক্ষিপ্ত বিবরণ
মোহাম্মদ তারিখ হাসান, সাবেক হিসাব রক্ষক, জেলা পরিষদ, নোয়াখালী।	স্বাক্ষর জাল এবং চেক টেম্পারিং করে ২,৫৬,৩৯,৮২৮/- টাকা আত্মসাৎ।
মোঃ নুরুজ্জামান, সাবেক প্রিন্সিপাল অফিসার (বরখাস্ত), সোনালী ব্যাংক লিঃ, নারায়নগঞ্জ কর্পোরেট শাখা, চাষাড়া, নারায়নগঞ্জ ও অন্যান্য ১৮ জন।	এলসি লিমিট অতিক্রম করে এলসি খোলার মাধ্যমে ব্যাংকের ১৯৭,৮০,৭২,৬২১/২০ টাকা আর্থিক ক্ষতি সাধনের মাধ্যমে আত্মসাৎ।
মোঃ মাহবুবুল আলম, হিসাব রক্ষক (বরখাস্ত), দেবিদ্বার পৌরসভা, দেবিদ্বার, কুমিল্লা।	পৌর প্রশাসক ও সচিবের স্বাক্ষর জাল করে ৬৪টি চেকের মাধ্যমে পৌর তহবিল হতে ৩২,৫৬,৪৯৭/- টাকা এবং রাজস্ব তহবিল হতে ৪১,৮৬,০৫০/- টাকাসহ সর্বমোট ৭৪,৪২,৫৪৭/- টাকা সোনালী ব্যাংক লিঃ, দেবিদ্বার শাখা হতে উত্তোলন পূর্বক আত্মসাৎ।